

重刊道藏輯要

儀法大觀卷五

九天元皇文昌帝君救劫集福寶懺

玉府勸化染翰真官蘇集敬撰

起讚

元皇仙帝 三鑿聖人 顯從浩劫厯艱辛 萬化總宏仁  
崇祀明禋 祖靈億年新

大聖更生永命 太天尊三稱

淨壇真言

齋壇啟建 供祀宜虔 一塵不染 萬慮胥捐 內外嚴潔  
道藏輯要

文昌懺

一

柳集五

對越在天

淨心真言

心爲大體 看骸率從 貌肅於外 神聚於中 天君靜穆  
朝禮宸宮

淨身真言

藐茲一身 得號爲人 希賢希聖 何惡何仁 齋戒沐浴  
以朝上眞

淨口真言

口司出入 喉舌與存 素蔬斯潔 辛穢則唇 漱水浴齒

第一法門

焚香真言

妙香爇爐 味透天衢 玉文化現 太古之初 氣氤繚繞

敬送龍車

獻花真言

花爲丹蕊 有色炳空 空中之色 人天允同 識厥妙諦  
翔步仙蹤

燃燈真言

燈印靈臺 昭朗天街 幽明炯照 性慧常開 敬陳法席  
掃蕩陰霾

酌水真言

道藏輯要

文昌懺

二

柳集五

水滌塵氛 太乙之精 先天一氣 無濁有清 洞酌龍井  
以貯金樽

伏以

萬殊總歸一本三教本自同原或則言虛虛則有實或則言實  
實盡仍虛是天地之化育卽誠明之終始不從無極焉生太極  
不見小成巍顯大成細維問禮殷殷不勝猶龍之歎談玄落落  
無非道一之傳德不顯而天下平道無名而萬物育所以五千  
言之洋洋灑灑遂開七十子之汲汲皇皇惟過化斯可存神而  
達天乃能知聖卽今仰溯九天之上已早克成百世之師循學  
利以企坐安猶返還而獲超證蓋能明心而見性總號聖人亦

眞君一以守中方爲寶學今則因禮

元皇揭明宗宣嘉興後學首敬

先師如側杏壇五體投地

至心敬禮

萬世師表大成至聖文宣王

復宗述亞四配聖人

聖門配享十哲名賢

聖門配享從學諸賢

聖門配享歷代聖學貞儒

道藏輯要

文昌懺

三

柳集五  
上文

御啟紫微垣

宏仁位帝天

仰啟紫微垣

桂宮內外仙

仰啟紫微垣

鸞鶴赴經筵

微臣淨身口

齋沐禮瑤編

願上無疆祝

靈感永綿延

敬稽帝歷世

光明次第宣

大聖宏仁救劫大天尊三稱

臣等伏聞

神道設教嚴自聖人對越事天遂開佛老虎皮講席曾叩警眾  
金聲梵號鑄章聊代道人木鐸視不見聽不聞體物不遺臨在  
上質在靈真如對昊天曰旦孰敢馳驅昊天曰明疇敢戲豫  
仰惟

大聖元皇十七世之化書靈異累累比擬

彌羅聖主十七光之鑾徹配合昭昭自然而然非識可識謹炷

眞香秉誠上啟

三清三境三寶上帝

晏天金闕玉皇上帝

九華玉闕后土大帝

圓明道姥玄天大帝

勾陳上宮天皇大帝

紫微星宮北極太帝

天地始炁五老上帝

日宮天子鬱儀帝君

月華天女結璘皇君

玉清真王長生天帝

東宮慈父青玄上帝

琅霄天府昭化大帝

玉虛師相玄天上帝

貞明上聖雷祖大帝

三元三品三官大帝

火府扶桑丹陵大帝

南方三炁洞陽大帝

主爐天府晏天大帝

文昌懺

四一三八 柳集五

正一天師清微弟子洪百堅 製作

泰極天齊仁元聖帝

三界伏魔協天大帝

東華洞主救劫帝君

三教宗師孚佑上帝

金闕上相四大天師

大羅班首總監帝君

天醫院內諸大真君

玉樞右宰宏教真君

玉宸少宰宏濟真君

北斗七元解厄星君

道藏輯要

文昌閣

南斗六司注生星君

周天河漢列宿羣真

桂宮內外一切高真

值年太歲至德星君

當境城隍顯祐尊神

東厨司命竈君尊神

鄉坊里域社令尊神

雲空過往糾察尊神

悉仗真香普同供養

至心皈命禮

正一天師洪微弟子洪百堅 製作

道教資訊網站

不驕帝境玉眞慶宮現九十八化之行藏顯億千萬種之神異  
飛鸞闡化於在在如意救劫以生生至孝至仁功存乎儒道釋  
教不驕不樂職盡乎天地水官功德難量威靈莫測大悲大願  
大聖大慈九天輔元開化主宰司祿職貢舉眞君七曲靈應保  
德宏仁大帝談經演教消劫行化更生永命天尊

拜請

天元皇開天列宿張微臣羣叩首誦應吉祥光

第一上應大吉祥光章

臣等伏聞

天相爲吉瑞生日祥河馬呈圖羲皇闡苞符之秘堯階挺秀蓂  
道藏輯要

文昌懺

六

柳集五  
川上文

莢叶晦朔之期玉書曾誌遊麟紫雲欣傳覆屋是爲萃聚總屬  
休徵在昔

彌羅聖主大歲是光無與等者

元皇初世上以應之張宿照臨乎下土感而降生祖揮習業於  
張弓爰茲錫姓系緣帝胄星列天厨居士宰官旣難與爲衡論  
南箕天畢亦莫並其輝煌是間氣之鍾靈爲生民所未有不曰  
吉祥復何等倫臣等忝列男身幸生中土賦氣本庸福緣素薄  
仰對

元皇曷勝欽仰敬禮吉祥大放光明倘能叨沐是光照耀厥身  
前後門多瑞氣弗希芝草之生積有流光倅享身安之福降自

天而稱瑞惠在帝而邀祥踴躍歡欣五體投地

至心敬禮

鬱單天大宿照臨更生永命天尊

鬱單天帝室苗裔更生永命天尊

鬱單天桂香內殿更生永命天尊

鬱單天文昌上宮更生永命天尊

鬱單天金闕內相更生永命天尊

鬱單天玉清上寶更生永命天尊

鬱單天檢校太師更生永命天尊

拜請

道藏輯要

文昌懺

七

柳集五  
丁亥

太元皇譜牒出天潢微臣羣俯伏稱揚智慧光

第二上應天智慧光章

臣等伏聞

智由天授慧非人爲夙命素通靈臺別多解悟得天最厚性地  
自發光華在普

彌羅聖主大放是光無與等者

元皇再世上以應之生長荆蠻不染斷髮文身之陋磨礪學術  
遠師敦請說禮之邦獲大洞之真經道參元始受大訓於太史  
心契唐虞習俗難移靈通罕匹杼軸獨涵寸念菁英遠耀千秋  
不曰智慧復何等倫臣等忝列男身幸生中土染夫習尚固於

方隅仰對

元皇曷勝欽仰敬禮智慧大放光明倘能叨沐是光昭耀厥身  
前後錫下愚以敏悟示上達之階梯飛杖喝來或得參乎三昧  
垂青迺我遂幸具夫六通踴躍歡欣五體投地

至心敬禮

禪善天澄真證觀更生永命天尊

禪善天定慧光明更生永命天尊

禪善天與天常覆更生永命天尊

禪善天與地並載更生永命天尊

禪善天助國救人更生永命天尊

道藏輯要

文昌懺

八

柳集五

拜請

大元皇千秋孝友揚

微臣

參禮畢稱頌柔和光

第三上應大柔和光章

臣等伏聞

柔斯能順和可處羣暴戾化而淑氣流行乖張消而斯人吾與  
判存亡之介須監齒舌剛柔塵樂易之懷迥別阿私朋比在昔  
彌羅聖主大放是光無與等者

元皇再世上以應之孝養默禮形聲庭幃全臻悅豫吮齶封殷

既拾蒼穹廬墓毀寰更平泛濫遺孤子立承重篤大父之恩蒙  
嗣再延致恭聯乃兄之誼總緣性天純粹斯見孝友溫醇不曰  
柔和復何等倫臣等忝列男身幸生中土淑陶殊淺情性多乖  
仰對

元皇曷勝欽仰敬禮柔和大放光明倘能叨沐是光照耀厥身  
前後敦祇恭於庭內效執玉之持盈乖氣潛除亢悔不形於日  
用流謙終吉肅雍常佩於身心踴躍歡欣五體投地

至心敬禮

無量天空山雪老更生永命天尊

無量天道總混元更生永命天尊

道藏輯要

文昌懺

九

柳集五  
川〇六

無量天誠心接物更生永命天尊

無量天保生教更生永命天尊

無量天太上殺丹更生永命天尊

無量天古皇示隱更生永命天尊

無量天西堦行化更生永命天尊

拜請

大元皇豫順善行藏微臣羣上溯稱揚忍辱光

第四上應大忍辱光章

臣等伏聞

受殘爲辱堅守在忍立身無愧何妨含垢包羞見道既真方許

舍生取義在昔

彌羅聖主大放是光無與等者

元皇再世上以應之周幽懷諫甘飲鴆以捐軀漢呂猜嫌不終  
玉而受毒興海波以救母罰貶邛龍勸魏闡而追師猝遭流矢  
不曰忍辱復何等倫臣等忝列男身幸生中土涵養未深動逞  
血氣仰對

元皇曷勝欽仰敬禮忍辱大放光明倘能叨沐是光照耀厥身  
前後任人欺侮甘自卑躬勉事包荒何妨唾面體太上退步之  
法效君子三返之思踴躍歡欣五體投地

至心敬禮

道藏輯要

文昌懺

十

柳集五  
川文川

上壽天寶光慈應更生永命天尊  
上壽天厯劫度人更生永命天尊  
上壽天扶危拯苦更生永命天尊  
上壽天英顯垂慈更生永命天尊  
上壽天靈顯更生永命天尊  
上壽天帝眷宏深更生永命天尊  
上壽天牖民覺世更生永命天尊

拜請

大元皇多生姓字芳微臣羣稽首稱揚無礙光

第五上應大無礙光章

等伏聞

一生或備三多累世難希一轍前途有礙未免崎嶇積行無虧  
永臻坦蕩在昔

齋羅聖主大放是光無與等者

聖累世上以應之漢魏周秦孝仲嘉名永錫隋唐晉宋恢張  
芳姓無更總大賓之應生超千古而如在脫輪迴之苦趣獲美  
報之道遙不亡無礙復何等倫臣等忝列男身幸生中土宿命  
難通往因鮮識仰對

元皇曷勝欽仰敬禮無礙大放光明倘能叨沐是光照耀厥身  
前後破塵凡之障蔽通生死之關津來去無拘隨時俯仰性天  
道藏輯要

文昌懺

土

柳集五  
文上

不昧常獲優遊踴躍歡欣五體投地

至心敬禮

不騎天提衡藝苑更生永命天尊

不騎天總領英雄更生永命天尊

不騎天和神濟物更生永命天尊

不騎天敦倫篤行更生永命天尊

不騎天大慈大悲更生永命天尊

不騎天救苦救難更生永命天尊

拜請

大元皇素位裕安詳微臣羣瞻仰稱揚平等光

第六上應太平等光章

臣等伏聞

太道端尙持平榮身何須殊等半通是綰亦號居官一介無求  
自堪任道在昔

彌羅聖主大放是光無與等者

元皇累世上以應之漢章曾令臨河鴻聲未顯順帝轉爲孝仲  
大業難舒不慕寵而希榮偏韜光而用晦醞釀純粹涵養溫文  
不曰平等復何籌倫臣等忝列男身幸生中土繫心榮利役志

功名仰對

道藏輯要

文昌懶

三

柳集五

元皇曷勝欽仰敬禮平等大放光明尙能叨沐是光照耀厥身  
前後平常守此中庸毋索隱而行怪等級統茲儕類且混俗而  
和光不失人身未能辨道踴躍歡欣五體投地

至心敬禮

應聲天青陽啟祚更生永命天尊

應聲天雷春鍾靈更生永命天尊

應聲天皎皎金姿更生永命天尊

應聲天鑿鑿玉梓更生永命天尊

應聲天昊會流形更生永命天尊

應聲天潼水鬯道更生永命天命

應聲天永勸無沈生永命天尊

拜請

大元皇三教雅循良微臣君敬仰稱揚自在光

第七上應大自在光章

臣等伏聞

役志勞形雖在尊榮弗適樂天知命自然闇淡彌章理義克守  
貞師儒允重王公不能屈俯仰常寬在昔  
彌羅聖主大放是光無與等者

元皇襄世上以應之隋運終而時數不濟教思廣而生徒偏多

河汾布講帷祖述周孔甄陶盡王佐遠邁孟荀浩浩自如安安

道藏輯要

文昌懺

吉

柳集五  
川百一

是適不曰自在復何等倫臣等忝列男身幸生中土昧於素位  
急厥修來仰對

元皇曷勝欽仰敬禮自在大放光明倘能叨沐是光照耀厥身  
前後俾俯仰以常順任出入以無拘樂意閑閑鳶魚無非妙道  
幽懷落落動靜俱見眞機蹻蹻歡欣五體投地

至心敬禮

兜率天座隣魁前更生永命天尊

兜率天乘堦戴匡更生永命天尊

兜率天騎箕聖窟更生永命天尊

兜率天乘參麗井更生永命天尊

兜率天通真先生更生永命天尊

兜率天大慈仁者更生永命天尊

兜率天萬靈教主更生永命天尊

拜請

大元皇施濟澤流長微臣羣慶祝稱揚喜捨光

第八上應大喜捨光章

臣等伏聞

不仁由於爲富義自克疏才義發於情之所鍾仁生於喜之所注事有巨細行無醇疵在昔彌羅聖主大放是光無與等者

道藏輯要

文昌懺

西

柳集五

元皇累世上以應之假姚萇以如意肯一擲而付奇珍惠穀米於許容曾二顧而施粟雨哀人祈嗣感則降生舍己血肉甚則殉命不曰喜捨復何等倫臣等忝列男身幸生中土愛物常疎肥家倍切仰對

元皇曷勝欽仰敬禮喜捨大放光明倘能叨沐是光照耀厥身前後弗貪爲寶善與人同胥物我而皆忘推立達於無間全消鄙吝得號善人踴躍歡欣五禮投地

至心敬禮

梵藍天七曲周天更生永命天尊

梵監天兩劍軸地更生永命天尊

梵藍天右塞飛來更生永命天尊

梵藍天左抱三竺更生永命天尊

梵藍天鳳凰兆瑞更生永命天尊

梵藍天鰲岫呈祥更生永命天尊

梵藍天垂慈憫苦更生永命天尊

拜請

大元皇潼嶺儀鳳凰

微臣

羣則效稱頌皈依光

第九上應太皈依光章

臣等伏聞

吉人好善見則恩齊慧眼觀時有投卽合點睛來化輒從之而

道藏輯要

文昌懺

圭

柳集五  
リメイ

如流萍水相遭復叩之而響應一心皈命百體咸依在昔

彌羅聖主大慈是光無與等者

元皇累世上妙應之得金像而禮

玉清初皈

元始在蜀圖而逢

太上繼依

降生

釋迦佛之指迷全消往劫

文宣王之師事轉握文衡不曰皈依復何等倫

臣等忝列男身

幸生中土業儒弗專信道未篤仰對

元皇曷勝欽仰敬禮皈依大放光明倘能叨沐是光照耀厥身  
前後禮佛參經仰希梵證奉真朝斗念切玄靈修身以法聖賢  
慕過以衛名教踴躍歡欣五體投地

至心敬禮

梵寶天靈風太和更生永命天尊

梵寶天玉音精粹更生永命天尊

梵寶天百千萬化更生永命天尊

梵寶天九十六變更生永命天尊

梵寶天善開人心更生永命天尊

梵寶天永壽國脈更生永命天尊

道藏輯要

文昌讖

去

柳集五  
川文上

梵寶天應夢保生更生永命天尊

拜請

大元皇保護綱常微臣羣對越稱揚利益光

第十上應大利益光章

臣等伏聞

明通公溥利物靡窮忠恕推行益人匪淺惟存心不私夫一已  
斯博愛遠及於無疆在昔

彌羅聖主大放是光無與等者

元皇累世上以應之河水賦而息讒言吉甫賴以不替白駒賡  
而留賢者仲將得以無遺惠宜壽獲久失之親憫任盈難尋

之女不曰利益復何等倫臣等忝列男身幸生中土自利爲懷  
謀身獨密仰對

元皇曷勝欽仰敬禮利益大放光明尙能叨沐是光照耀厥身  
前後矢洪慈於物類普大惠於黎元已溺已飢弗敢委身局外  
欲立欲達恒懷博濟寰中一視同仁羣生在宥踴躍歡欣五體  
投地

至心敬禮

梵摩天現紫雲巖更生永命天尊

梵摩天持如意杖更生永命天尊

梵摩天坐神龍騎更生永命天尊

道藏輯要

文昌懺

七

柳集五

梵摩天披白綸表更生永命天尊

梵摩天作混元輔更生永命天尊

梵摩天編列仙籍更生永命天尊

梵摩天掌桂香籍更生永命天尊

拜請

大元皇慈愛遍遐荒

微臣

羣厯數稱揚慈悲光

第十一上應大慈悲光章

臣等伏聞

悲憫貽召棠之慕慈祥開甘露之門萬物歸懷是誠在我一夫  
不獲曰予之辜在昔

彌羅聖主大放是光無與等者

元皇累世上以應之中流砥柱遂回犯闕巢兵法雨宏施斧拯  
首城旱魃醫術精而藥符治病篙師化而隴右安居豈弟興歌  
瘟鬼受制不曰慈悲復何等倫臣等忝列男身幸生中土恫瘡

罔念家室專營仰對

元皇曷勝欽仰敬禮慈悲大放光明倘能叨沐是光照耀厥身  
前後體好生之意行方便於時時切救苦之懷作陰功之種種  
效厥慈父同茲悲心踴躍歡欣五體投地

至心敬禮

迦夷天玉真仙境更生永命天尊

道藏輯要

文昌儀

太

柳集五

迦夷天長生天主更生永命天尊

迦夷天宏仁泰帝更生永命天尊

迦夷天管天地水更生永命天尊

迦夷天收五蠶形更生永命天尊

迦夷天三教宗師更生永命天尊

迦夷天七幽靈應更生永命天尊

拜詣

大元皇精英萃蜀岡

微臣

羣齋邀稱揚解脫光

第十二上應大解脫光章

臣等伏聞

見道不眞難言解悟繫塵未脫空自勞形六通具而百慧生三  
未淨而萬緣息無幽弗燭有感斯通在昔

彌羅聖主大放是光無與等者

元皇累世上以應之受歸寂於異人頓悟此身之寄反蜀門而  
行化深明遇毒之因崆峒再往如歸大丹得傳遂達不曰解脱  
復何等倫臣等忝列男身幸生中土膠於生死溺在塵寰仰對  
元皇曷勝欽仰敬禮解脫大放光明倘能叨沐是光照耀厥身  
前後心悟正宗不作密羅之鳥跡超方外甯同坐井之蛙塵氛  
掃而心與天遊俗見澄而智與物化踴躍歡欣五體投地

至心敬禮

道藏輯要

文昌讖

充

柳集五

波梨天道參元始更生永命天尊  
波梨天梵證如來更生永命天尊  
波梨天飛鸞闡化更生永命天尊  
波梨天如意救劫更生永命天尊  
波梨天祥鑄北斗更生永命天尊  
波梨天奎璧光聯更生永命天尊

拜請

大元皇靈通闇日章

微臣

羣慕悅稱揚如意光

第十三上應大如意光章

臣等伏聞

天道猶有盈虧人生豈無缺陷惟永貞而厯劫斯如意以相償  
有願皆從無求弗羶在昔

彌羅聖主大放是光無與等者

元皇超世上以應之盡孝忠於九十六生堪膺帝眷廣功德於  
百千萬化克洽天心賜之杖以尊師錫以名而應宿指揮在手  
願欲從心不曰如意復何等倫臣等忝列男身幸生中土混處  
塵凡遇多艱阻仰對

元皇曷勝欽仰敬禮如意大放光明倘能叨沐是光照耀厥身  
前後心有欲而誓從事無乖而屢中周規折矩常懷浩落之天  
道藏輯要

文昌懺

子

柳集五

食德飲和盡是光亨之日願無弗遂行無弗成踴躍歡欣五體  
投地

至心敬禮

答恕天闡太淵經更生永命天尊

答恕天闡太洞法更生永命天尊

答恕天闡芙蓉洞籙更生永命天尊

答恕天闡太昌保命更生永命天尊

答恕天南極平衡更生永命天尊

答恕天南斗注生更生永命天尊

答恕天南宮代育更生永命天尊

拜請

太元皇浩蕩總難量微臣羣景仰稱揚神通光

第十四上應太神通光章

臣等伏聞

神無弗照通則稱靈大叩大鳴空谷有傳聲之應小鳴小叩屋漏有聞見之徵在書

彌羅聖主大放是光無與等者

元皇超世上以塵之迷徑傳燈伏孫樵之倨傲化身截路挫力士之強梁佈陣驅胡牀不假刀而麻秋授首武廳當晝現一揚威而信黨皆夷不曰神通復何等倫臣等忝列男身幸生中土

道藏輯要

文昌懺

主柳集五

秉姿柔脆負性平庸仰對

元皇曷勝欽御敬禮神通大放光明倘能叨沐是光照耀厥身前後掉一臂之力亦克希神具六通之明漸臻能化雖弗敢齊先覺尙克無負後知慧性融融靈光炯炯踴躍歡欣五體投地

至心敬禮

虛明天清淨道真更生永命天尊

虛明天四生慈父更生永命天尊

虛明天萬堯開張更生永命天尊

虛明天三界均利更生永命天尊

虛明天保安拔罪更生永命天尊

虛明天消災解厄更生永命天尊

虛明天純一顯應更生永命天尊

拜請

太元皇禮樂著冠裳

微臣

羣齋沐稱揚功德光

第十五上應大功德光章

臣等伏聞

業建爲功恩周曰德扶危解厄功垂樂利之休除暴去殘德種萬千之果惟揚勳而莫罄斯食德以靡窮在昔

彌羅聖主大放是光無與等者

元皇超世上以應之淮山神之請孽虎是殲戒水族之爭江龍

道藏輯要

文昌懺

圭

柳集五  
川○上

聽制苴侯見奪兼返火於李轅襄邑免涙同安瀾於白馬不曰功德復何等倫

臣等忝列男身幸生中土建白無心韶華虛度

仰對

元皇曷勝欽仰敬禮功德大放光明倘能叨沐是光照耀厥身前後雞鳴而起時存濟物之心大咷無嫌念切仁民之旨寸功勉效一德相師踴躍歡欣五體投地

至心敬禮

堂曜天道高千古更生永命天尊

堂曜天威統萬靈更生永命天尊

堂曜天聖不可知更生永命天尊

堂曜天化不可測更生永命天尊

堂曜天上靈上聖更生永命天尊

堂曜天總握文衡更生永命天尊

堂曜天永固皇猷更生永命天尊

拜請

大元皇俎豆薦馨香微臣羣瞻就稱揚圓滿光

第十六上應天圓滿光章

臣等伏聞

妙行不圓難期成聖神功不滿烏足配天三千餘劫之修既肇  
於前九十八端之化應隨於後在昔

道藏輯要

文昌懺

三

柳集五  
川一四

彌羅聖主大放是光無與等者

元皇超世上以應之師資者孔孟伊周暢學者仁義道德證安  
樂於不動釋號菩薩近紫微而處優玄通碧落三教宗師天人  
倚仗不自圓滿復何等倫臣等忝列男身幸生中土不醇不備  
無始無終仰對

元皇曷勝欽仰敬禮圓滿大放光明倘能叨沐是光照耀厥身  
前後策怠惰以潛修絕二三以邁往鼓濟屯之氣務使辦道功  
圓效習坎之孚庶幾觀光志滿踴躍歡欣五體投地

至心敬禮

赤明天輔元開化更生永命天尊

赤明天司命司祿更生永命天尊

赤明天職貢職舉更生永命天尊

赤明天允武允文更生永命天尊

赤明天克忠克孝更生永命天尊

赤明天種詩書果更生永命天尊

赤明天培陰陽田更生永命天尊

拜請

大元皇天地合無疆微臣羣舞蹈稱無能勝光

第十七上應無能勝光章

道藏輯要

文昌讖

西

柳集五  
小文

聲臭俱無始謂上天之載化神莫測斯膺帝號之尊統諸曜以懷柔合萬神爾朝禮仁同慈父願若海涵在昔彌羅聖主大教是光無與等者

元皇超世上以應之

元始冊命躋南極之長生

玉帝褒封位文昌而開化玄圭朱履非人世之冠裳鳳輦龍輿異羣真之服御化於普化於雅臺立昭明移於瀘移於黔陶成善類鬼神聽禍福之命日月擬同照之明蕩蕩難名巍巍罕世不曰無能勝復何等倫臣等忝列男身幸生中土遵道半途力仁一日仰對

元皇曷勝欽仰敬禮無能勝大放光明倘能叨沐是光照耀厥  
身前後德修固覺主善爲師日異月新將增高而繼長超前軼  
後庶彰往而察來躡躍歡欣五體投地

至心敬禮

和陽天統轄六府更生永命天尊

和陽天掌管三界更生永命天尊

和陽天燮理五行更生永命天尊

和陽天君齊四御更生永命天尊

和陽天品配三元更生永命天尊

和陽天位尊八極更生永命天尊

和陽天化洽九天更生永命天尊

文昌懺

靈

柳集五

川川

道藏輯要

回向

伏念困勉雖遜生安下學亦思上達弗敢邀福天福豈無躬膺  
弗敢希名美名必有肇錫以今厯稽

帝瑞上印

高穹十七世之變化靡窮十七光之輝煌莫罄如符節之渾合  
見後先之同揆贊頌之餘漫懷冀幸撫躬自問竊欲希祈才辯  
聰明便稱智慧家門昌盛是獲吉祥化狎侮而守默雖得托忍  
辱柔和之列無顯榮而居坦易庶叨平等自在之風望道版依  
修途無礙扶危濟急大利益於喜捨之中恤寡矜孤廣功德於

慈悲之內絕塵緣而解脫聚精一而神通功行圓滿逍遙如意  
不息以自強上乘而無勝行見希天有自瞻聖匪遙宜乎深酒  
淵深不拒互鄉童子文昌高拱引升悔勉中人揚厲鋪張莫馨  
祀神之蘊屏營激切惟銘肺腑之私捧送

龍輿回光帝闕慶恩膏之普徧消災癘於無形億類沾恩千秋  
戴德稽首頓首謹抒丹悃而獻頌曰

元皇鍾秀靈 道德冠古今 三教身兼備 九天最上乘  
先覺覺後覺 生民孰北京 儒宗叨化雨 名教賴干城  
聲靈常顯赫 司籙佐昇平

大聖宏仁救劫天 天尊三稱

道藏輯要

文昌懺

美

柳集五

九天元皇文臺帝君救劫集福寶懺全

廣化弟子惠覺校訂